

## I UVOD

Nacrt Budžeta općine Ilijaš za 2014. godinu i Nacrt Odluke o izvršavanju Budžeta općine Ilijaš za 2014. godinu utvrđen je na XIII sjednici OV-a održanoj dana 28.11.2013. godine.

Prema zaključku OV-a utvrđeni Nacrti su upućeni na javnu raspravu koja je trajala 20 dana tj. do 18.12.2013. godine.

Prema odredbama zaključka u javnoj raspravi mogu učestvovati: građani, mjesne zajednice, političke partije, budžetski korisnici i asocijacije građana.

Jedan primjerak Nacrt Budžeta bio je istaknut na oglasnoj ploči općine Ilijaš, kao i na zvaničnoj web stranici općine Ilijaš.

## II PRIMJEDBE I PRIJEDLOZI PROISTEKLI IZ JAVNE RASPRAVE

Dana 06.12.2013. Služba za privredu, finansije i investicije, u skladu sa Zaključkom Općinskog vijeća o utvrđivanju Nacrta Budžeta općine Ilijaš za 2014. godinu i Nacrta Odluke o izvršavanju Budžeta općine Ilijaš za 2014. godinu održala je javnu prezentaciju i javnu raspravu. U skladu sa donesenim Zaključkom Općinskog vijeća poziv za prisustvo javnoj prezentaciji je istaknut na oglasnoj ploči općine, kao i putem oficijelne web stranice općine Ilijaš.

U okviru provođenja javne prezentacije po Nacrtu Budžeta i Nacrtu Odluke o izvršavanju budžeta, predstavnici Službe za privredu, finansije i investicije su bili iznenađeni veoma slabim odzivom, obzirom da ovakve prilike trebaju da posluže da se budžet, kao dokument kojim se finansiraju mnoge funkcije na našoj općini, kreira što transparentnije, kao i da se sa ovakvih susreta iniciraju pravci razvojnih politika. Predstavnici službe su zamolili sve prisutne da se aktivno uključe u javnu raspravu i iznesu sve sugestije i primjedbe koje se tiču Nacrta ponuđenih dokumenata, a sve sa ciljem donošenja što kvalitetnijeg budžeta koji će realno predstavljati zacrtane politike općine Ilijaš, kao i da se pridržavaju budžetskog kalendara, te da sve primjedbe i sugestije dostave do 20.12.2013. godine, kada je i krajnji roka za prijem. U nastavku javne prezentacije predstavnici Službe su ukratko izložili ono što je planirano Nacrtom Budžeta općine Ilijaš za 2014. godinu, te dali šansu svim prisutnim da se uključe u diskusiju po ponuđenim dokumentima. U diskusiji na ponuđeni dokument su učestvovali : Ahmet Halilović – građanin, Jusić Šemsudin – predsjednik savjeta MZ Podlugovi, Mušan Talović – član savjeta MZ Podlugovi, Džananović Ismet – član savjeta MZ Podlugovi, Hasečić Mehmed – NK Ilijaš, Adem Efendić – općinski vijećnik i Predsjednik OO SBB Ilijaš, Akif Bešlija – vijećnik OV Ilijaš, Dević Enes – član savjeta MZ S. Ilijaš. Ponovo napominjemo da je na javnoj prezentaciji Budžeta općine Ilijaš za 2014. godinu prisustvovalo samo 10 lica.

U prilogu dostavljamo primjedbe, sugestije i prijedloge na ponuđeni nacrt, a koji se vodio u toku XIII sjednice Općinskog vijeća Ilijaš

Nijaz Rastoder – Nadležna služba se neozbiljno ponijela kada je u pitanju ova tehnička greška, jer je ovo više od tehničke greške. Naime, u zaglavlju dokumenta navedena je 2014., a dalje u tekstu 2013. godina. Za mene je, kada je u pitanju nacrt budžeta, rasprava krenula od momenta kada je nacrt na dnevnom redu. U nacrtu budžeta, načelnik je obuhvatio sve škole, a niti jedna KM nije predviđena za OŠ "Hašim Spahić". To je zaista žalosno. Ova škola ima najlošiju stolariju od svih društvenih objekata. Dok načelnik nešto ne uradi po ovom, ja neću podržati ovaj nacrt budžeta. To je jedan od razloga, a drugi razlog je što i ovaj put vidim da

ovdje ima elemenata predizbornog budžeta. Vidjeli smo da su neprofitnim organizacijama povećana sredstva za 9%, nekim privatnim firmama povećana za 10% i industrijska zona Luka što je za nas liberale goruće pitanje. Ovim tempom, a jednom je načelnik rekao da bi trebalo 4-5 miliona se završi ova industrijska zona, teško da će se završiti ova zona. Ja mislim da ne treba više ulagati u ovu industrijsku zonu, nego se okrenuti već postojećoj industrijskoj zoni gdje za 250.000 KM možemo kupiti 10 dunuma zemlje u krugu bivše Željezare i za mjesec dana ponuditi nekome zemlju ko bi otvorio fabriku i za par mjeseci da ljudi počnu raditi. Što se tiče mosta koji se pravi, ja ne vjerujem ni da su stope urađene.

Predsjedavajući Mahir Dević – Sa kolegom se slažem kada su u pitanju škole, ali ovdje je u pitanju sufinansiranje projekata koje je odobrilo Federalno ministarstvo. Znači, ove škole su aplicirale, dobile sredstva od drugih nivoa vlasti i mi sa njima udružujemo sredstva da to završimo. Dakle, nije u pitanju diskriminacija škole “Hašim Spahić”. Kada je u pitanju most, stope su već izljevane.

Adem Efendić – Načelnik ima običaj reći da je budžet razvojni, a pomoćnica u svom izlaganju nije rekla kakav je, ali ja kažem da je ovaj nacrt budžeta komercijalni. Kolega Nijaz je već pomenuo, a evo i ja da kažem da onim raznim “džabahljebarošima” - raznim udruženjima što sjede, umjesto da im se smanje sredstva, njima je predviđeno povećanje. Kroz izvještaj smo vidjeli za šta oni sredstva potroše. Sportska udruženja – mali iznos. Zašto? Imamo odbojkaški klub koji treba da uđe u premijer ligu i trebalo bi posebno da se sredstva obezbijede za njeg. U nacrtu budžeta za 2013. godinu, pa rebalansom u septembru, vezano za izradu monografije porodica šehida i palih boraca cifra je sada skočila do 20.000 KM. Nemam poješnjenja kome ta sredstva i ko će raditi monografiju, a znamo da se udruženja ne mogu dogovoriti ni oko mnogo jednostavnijih stvari, a kamoli oko izrade monografije. Ovdje ste izglasali RP Podlugovi i hvalili ste da je to ekspanzija u razvoju, odnosno privrednim ulaganjima, a u nacrtu ne vidim da je bilo šta predviđeno u Podlugovima. Možda ćete pred izbore nešto uraditi. Ali dajte prikažite to, isto kao što provlačite industrijsku zonu Luka, a mi imamo industrijski dio od Malešićkog mosta do ulaska u Kadariće gdje niko ne zaviruje šta ko tamo radi. Znači u Podlugovima ništa nije planirano, niko se nije sjetio da možda treba jedna sportska ploha. Predstavnik Savjeta MZ Podlugovi je učestvovao u razgovorima za razliku od ostalih političkih subjekata od kojih se traži da ovaj dokument usvoje niko nije učestvovao, osim sigurno SDA. Dom u Podlugovima – niko ga ne spominje. Nije mi jasno što se taksativnije ne pobroji – ako se kaže da će se nešto raditi u Lješevu, Donjoj Karauli, gdje ste još planirali ostatak para, a naveli ste rekonstrukcija puteva – ostalo u iznosu 380.000 KM. Zašto niste nabrojali šta ćete uraditi sa ovih 380.000 KM i onih 250.000 KM od Kantona Sarajevo i 100.000 KM od ostalih nivoa ? Ne vidim gdje ste planirali ova sredstva. Iz svih navedenih razloga mislim da je nacrt budžeta nerealan. Evo i pomoćnica načelnika je kazala da naš budžet zavisi od drugih nivoa, a takva nam je vlast u općini da jedino ako šta prodamo tako punimo budžet i vidjet ćete kroz rješenja kako punimo budžet, prodajemo ovo što imamo i do kraja mandata mislim da ćemo sve prodati i nećemo imati šta prodati, te ne znam kako ćemo dalje puniti budžet.

Muhamed Handžić – Prvo da zamolim Kolegij OV-a da materijale Nacrta budžeta dostave predsjednicima Savjeta MZ-a kako bi na sastancima savjeta mogli razmatrati nacrt budžeta. U budžetu sam prepoznao dosta propusta i anomalija, a pomenut ću samo neke, ali one nisu uslov da se ovaj nacrt ne podrži. Sufinansiranje rekonstrukcije cesta – ovim smo neka područja stavili već ad acta. Ovo govorim iz razloga velike nezaposlenosti ljudi iz određenih područja i nisu u mogućnosti izvršiti sufinansiranje. Znamo, kada su u pitanju sufinansiranja, koja područja mogu odgovoriti budžetu, a to su, prije svega, Podlugovi i eventualno Mrakovo.

Kolega Adem Efendić je kazao da se u Podlugovima nije uradilo očekivano. Ako kažem da je uloženo 150.000 KM samo za rekonstrukciju cesta, a što sam vidio u ovom budžetu, uz sufinansiranje 20.000 KM. Ovdje nije 1:2 kako je načelnik rekao nego 1:7,5. Ovo MZ-a Luka nikada neće moći odgovoriti ovome jer u Luci vlada velika nezaposlenost i siromaštvo. Dakle i to moramo imati u vidu. Slažem se da smo većinom lokalni političari koji apliciramo na ovaj budžet da nam što više prođe projekata iz područja iz kojih dolazimo, ali moramo biti realni i reći šta je već uloženo i šta se uradilo i da dozvolimo i drugima da se razvijaju. Što se tiče monografije kazali ste da su predviđena sredstva od 20.000 KM za izradu monografije. Ja sam jedan od članova komisije za izradu monografije i svi članovi će raditi besplatno, a materijal, štampanje i sve ostalo vjerovatno podrazumjeva ovaj iznos od 20.000 KM. Što se tiče MZ Luka kazali ste da je industrijska zona Luka bombastično prikazana kroz ovaj budžet, a ja se ne bih složio sa vama, jer industrijska zona Luka predstavlja usporevanje razvoja infrastrukture u MZ Luka. Zašto? Zato što je u ovom dijelu Luke gdje je predviđena industrijska zona nije urađena ni kanalizacija, a vodovod je tek urađen i mnogi infrastrukturni projekti koji tretiraju sve ovo nisu urađeni. Što se tiče samog nacrt budžet, mislim da je prenaduvan, da je preambiciozno planiran, jer je pitanje kolika će sama realizacija biti. Na prošlom popisu stanovništva u Ilijašu, prema preliminarnim rezultatima živi 20.504 stanovnika, a mi smo kalkulisali cifrom cca 28.000 stanovnika. Pitam se gdje je 8.000 stanovnika, gdje je 3.000 fiktivno prijavljenih na našu općinu, hoće li oni biti konzumenti ovog budžeta, a znamo da hoće. Svjedoci smo kolega Ademe da su u Podlugovima rađeni putevi u područjima gdje živi dijaspora i njima je ništa dati 1000 KM za učešće i uradi im se asfaltni put da oni ne isprljaju skupocjena auta kada dođu na odmor, a ne rade se putevi tamo gdje žive stanovnici i razvijaju poljoprivredu i ostale grane. Moramo malo i o tome razmišljati. Ovaj nacrt budžeta, po meni je preambiciozan, ali ja ću ga podržati, jer cijenim da on neće moći biti bolji, a slijedeće godine teško da će njegov plan biti i 5 miliona.

Adem Efendić (krivi navod) – Obzirom da je nacrt budžeta u pitanju nisam mislio dužiti oko ovoga, ali kolega Handžiću sredstva planirana u budžetu za 2014.godinu o tome sam govorio i da u Podlugovima nisam vidio da je ništa predviđeno. Kada je u pitanju sufinansiranje cesta, nisam podržao ni prošli budžet, a ni ovaj neću, a vi govorite da ćete podržati i imate sufinansiranje od 180.000 KM. Sredstva i novac gdje živi dijaspora i gdje je vršeno sufinansiranje, nisam ja vršio odabir. Ne možemo mi kažnjavati nekoga ko ima novac.

Selver Herić – takođe se ne bih složio sa Ademom da je nacrt budžet komercijalni zbog udruženja, mislim da je autor imao smisla da ima naznake da se zove predizborni. Da bi bio 100% predizborni, ja bih zamolio pomoćnicu načelnika da moje izlaganje zabilježi i ako bude realno da se uvrsti u prijedlog budžeta. Prvo-rekonstrukcija i investiciono održavanje javne rasvjete – u prijedlogu budžeta 15 godina stoji rekonstrukcija u G.Ivančićima i još se nikada ništa nije uradilo. Drugo-rekonstrukcija i investiciono održavanje cesta – Srednje most kod osnovne škole, pa me zanima da li je to most kod osnovne škole ili je most na putu u Srednjem koji treba proširiti i ako je taj koji treba proširiti ja bih bio zadovoljan da se napokon i on proširi. Kapitalni transferi za sport, kulturu i informisanje – moram vas obavijestiti da u D.Čevljanovićima postoji ploha za igranje nogometa, ali nedostaje žičana ograda, te bih zamolio da se predvide sredstva za ogradu do rijeke Ljubine. Treće - vodovod – moram vas informisati da vodovod u D.Čevljanovićima ne zadovoljava potrebe stanovništva. Takođe svake godine je planirano 20.000 KM za rekonstrukciju tog vodovoda, pa bih zamolio da u vodovode uvrstite i vodovod u D.Čevljanovićima, jer stanovništvo iznad ceste u ljetnom periodu nemaju nikako vodu. Četvrto - kanalizacija – mislim da bi red bio da se bar na jednom mjestu na gornjem području uradi, ako ne kanalizacija, onda bar projekat, te zbog hitnosti da se to uradi u G.Ivančićima zato što i sa jedne i druge strane sela fekalije se

slijevaju na magistralni put Sarajevo-Tuzla. Peto – putevi – drago mi je da su moje kolege civilizovane i bore se oko asfalta, a ja bih za slijedeću godinu zamolio da izdvajanja od Sarajevo-šuma usmjerite za puteve (makadamske puteve) uzmete u obzir. KV SDP-a će podržati ovaj nacrt budžeta.

Marioneta Ilić-Jureta – Već dvije godine Ljubina nije pomenuta, pa bih zamolila nadležne da se pobrinu oko naše rasvjeta, za završetak džamije u Solakovićima potrebno je cca 5.000 KM, nema rasvjete oko crkve u Ljubini, u Ulištovićima ljudi nemaju vode, ništa se ne dešava u Crnoj Rijeci. Dakle, zamolila bih da se pažnja obrati na Ljubinu i ostale slične Ljubini. Znači, malo rasporedite na sve teritorije naše općine.

Adem Efendić (povreda Poslovnika) – Predsjedavajući, kada se iscrpi diskusija i nema prijavljenih vijećnika, dužni ste da date riječ predsjedniku Savjeta MZ-a, u ovom slučaju Šemsi Jusiću.

Predsjedavajući Mahir Dević – Mjesne zajednice će imati priliku da se očituju po pitanju budžeta i kada bude prijedlog to ćemo uraditi. Kada je u pitanju prijedlog budžeta tri stvari će determinirati prijedlog budžeta: Zakon o pripadnosti javnih prihoda, Zakon o budžetima FBiH, Kantonalni budžet itd.. Te tri stvari će odrediti šta će biti od projekata. Mi smo krenuli u proceduru, u prijedlogu neka se nađu stvari o kojima ste govorili i naravno da niko nije protiv toga ukoliko bude mogućnosti da se udovolji.

**PRIMJEDBE I PRIJEDLOZI DOSTAVLJENI OD POLITIČKIH PARTIJA,  
INSTITUCIJA I ASOCIJACIJA GRAĐANA**

LIBERALNO DEMOKRATSKA STRANKA B i H  
OPĆINSKI ODBOR LDS ILIJAŠ

Broj: 09/13  
Ilijaš, 17. 12. 2013. godine,



Općina Ilijaš  
Služba za privredu, finansije i investicije

PREDMET: Prijedlog za izmjenu Budžeta općine Ilijaš za 2014. godinu

Općinski odbor Liberalno demokratske stranke B i H predlaže da se u Prijedlogu Budžeta općine Ilijaš za 2014. godinu, Kapitalni izdaci u dijelu 10 – „Kapitalni transferi za školstvo“, ukupna stavka poveća za **51 950,00 KM** i ta suma utroši na implementaciju i realizaciju Projekta u Školi: „Ograđivanje školskog dvorišta i igrališta“

S poštovanjem,

Predsjednik  
Općinskog odbora LDS –a Ilijaš



Broj: I-147/13

Ilijaš, 20.12.2013

**Služba za privredu finansije i investicije Općine Ilijaš**  
**Kabinet općinskog načelnika Akifa Fazlića**

**Predmet: Primijedbe i prijedlozi na Nacrt budžeta Općine Ilijaš za 2014 godinu**

Poštovani,

Savez za bolju budućnost BiH, Općinski odbor Ilijaš je na jednom od svojih sastanaka održanom nakon obavljene javne rasprave na Nacrt Budžeta za 2014 godinu usvojio sljedeće primijedbe i prijedloge:

**TEKUĆI IZDACI**

**613973** – Izdaci za volonterski rad umjesto 49 000 KM da stoji 74 000 KM (15 volontera umjesto 10)

**TEKUĆI TRANSFERI I DRUGI TEKUĆI RASHODI****614324 – Transfer udruženjima građana**

- Ratna udruženja :  
redovan rad umjesto 65 000 KM da stoji 55 000 KM  
aplikacije programa umjesto 30 000 KM da stoji 40 000 KM
- Humanitarne i ostale organizacije umjesto 51 000 KM da stoji 45 000 KM  
ostale organizacije umjesto 15 000 KM da stoji 9 000 KM

**615300 – Kapitalni transferi neprofitnim organizacijama**

**615311** - vjerski objekti umjesto 40 000 KM da stoji 70 000 KM

- Završni radovi na objektu džamije u Podlugovima (dug prema izvođaču 90 000 KM),  
sufinansirati 40 000 KM

**615000 - KAPITALNI TRANSFERI**

**Vodovod**

- Izgradnja pumpne stanice za rješavanje pitanja snadbijevanja pitkom vodom stanovništva u naselju Berovići - MZ Malešići (sufinansiranje).

**Kanalizacija**

- Izgradnja fekalne kanalizacije u naselju Doci - MZ Podlugovi

**615117-** Sredstva za zimsko održavanje puteva i od interesa za općinu umjesto 250 000 KM da stoji 210 000 KM

**615211-** Sanacija i obnova kuća, zgrada i fasada umjesto 40 000 KM da stoji 80 000 KM

**615330- Kapitalni transferi neprofitnim organizacijama**

**615311-** Kapitalni transferi za školstvo

Sufinansiranje – stvaranje materijalno - tehničkih uslova rada Škola „Stari Ilijaš“ umjesto

35 000 KM da stoji 25 000 KM

Projekat sanacije podnih obloga u fiskulturnoj Sali OŠ „Srednje“ umjesto 24 000 KM da stoji

20 000 KM

Projekat energetske efikasnosti-utopljanje objekata OŠ „Podlugovi“ umjesto 36 500 KM da stoji

30 000 KM

Projekat energetske efikasnosti-utopljanje (stolarija) objekata OŠ „Hašim Spahić“ 25 500 KM

**Kapitalni transferi za kulturu, sport i informisanje**

- Planirati sredstva za dovršetak objekata svlačionice NK Jedinstvo u MZ Ljubnići u iznosu od 10 000 KM

**Mezarja**

- Planirati sredstva za adekvatnu ogradu (metalnim ili betonskim stubovima i željezna mreža) oko cijelog mezarja Poda u MZ Ljubinići.
- Napraviti plan i izvršiti parcelaciju u dijelu mezarja Poda u MZ Ljubinići.

**821611 i 821621- Rekonstrukcija i investiciono održavanje vanjskog osvijetljenja** umjesto 25 000 KM da stoji 35 000 KM



**Rekonstrukcija i investiciono održavanje cesta i mostova**

- Rekonstrukcija puta za Sovrle, pravac Polomska- kapela - Sovrle (česma)
- Rekonstrukcija puta Mrakovo – Čuture – Novo Naselje u MZ Mrakovo (1 000 m)
- Rekonstrukcija puta Garaže – Korita u MZ Ljubina
- Rekonstrukcija i izgradnja pješačke staze na regionalnom putu Stari Ilijaš – Malešići

**Rekonstrukcija i investiciono održavanje zgrada**

- Rekonstrukcija i opremanje Mjesnog ureda u MZ Lješevo

**Nabavke i uređenja zemljišta**

- Nabavka zemljišta i izrada projektne dokumentacije za sportsku plohu u MZ Podlugovi

**Nabavka stalnih sredstava u obliku prava**

- Izrada idejnog i glavnog projekta ulice Polomska u MZ Podlugovi

Nadamo se da ćete naše primjedbe i prijedloge prihvatiti i uvrstiti u opis Budžeta općine Ilijaš za 2014 godinu.

S poštovanjem!

PREDSJEDNIK OO SBB BIH ILIJAŠ

Adem Efendić

---

**SOCIJALDEMOKRATSKA PARTIJA BiH  
OPĆINSKA ORGANIZACIJA ILIJAŠ**

*Broj: 56 – XII / 13*

*Ilijaš, 19.12.2013.godine*



**OPĆINA ILIJAŠ**

*- Služba za privredu, finansije i investicije*

**PREDMET: Primjedbe na Nacrt budžeta Općine Ilijaš za 2014. godinu**

*Na svojoj redovnoj sjednici održanoj 19.12.2013.godine Općinski odbor SDP BiH Ilijaš donio je slijedeće Zaključke:*

- 1. Rasprava o Nacrtu budžeta Općine Ilijaš u proteklim godinama redovno se provodi bez Programa načelnika, što u velikoj mjeri utiče na kvalitet rasprave, a samim tim smanjuje uticaj građana na određivanje-definisanje-realizaciju prioritetnih projekata. Budžet je instrument za realizaciju Programa, a ne obratno.*
- 2. I pored složene situacije u sferi fiskalnog sektora Države, Federacije, Kantona i Općine smatramo da se rast prihoda Općine Ilijaš može ostvariti dosljednim provođenjem Zakona koji reguliše eksploataciju i korištenje prirodnih resursa. Smatramo da, odgovarajućim radom nadležnih organa odgovornih za provođenje navedenih Zakona, mogu se povećati prihodi i ublažiti očekivani udar na ekonomsku stagnaciju razvoja ne samo Općine nego i Kantona. Iz gore navedenih razloga smatramo da treba prihode od:*

*a/ Davanje prava na eksploataciju prirodnih resursa sa planiranih 30.000 KM ( EKONOMSKI KOD 721112) povećati na 45.000 KM.*

*b/ Naknadu za korištenje državnih šuma /EKONOMSKI KOD 722454/ sa planiranih 100.000 KM povećati na 180.000 KM.*

*c/ Pokrenuti aktivnosti i izvršiti naplatu prihoda po osnovu Katastarskog prihoda od zemljišta koje je obuhvaćeno eksploatacionim poljem minerala, a što je u nadležnosti općine.*

*d/ Umanjiti sredstva za Parlamentarne grupe (EKONOMSKI KOD 614323) sa 70.000 KM na 63.000 KM.*

*Sredstva dobivena predloženim povećanjem usmjeriti na izgradnju infrastrukture, budžet za mlade i djecu i sportska društva.*

Prema i Plavogorinu  
Fotografija Inš  
Kanton Sarajevo  
Hranke sa Vrednje



komisiji sa izradu  
Budžeta za 2014. god.

Predmet: Zahtjev za planirane sredstva za kupovinu  
sanitetskog vozila sa ambulante Vrednje

Obradimo se komisiji sa izradu Budžeta za 2014. godinu za  
Općinu Ilidža sa zahtjevom da se planirane sredstva u budžetu  
za narednu godinu za kupovinu sanitetskog vozila sa Ambu-  
lante Vrednje u Vrednju.

Vrednje, 18. 12. 2013. god.



Predsjednik Hranke sa Vrednje  
*[Signature]*

Kanton Sarajevo  
Opština Ilidža  
M. Z. Podlugović  
BROJ 02/3-10-49-128/13  
Dana 19.12.2013 god.

Bosna i Hercegovina  
Federacija Bosne i Hercegovine  
KANTON SARAJEVO  
OPŠTINA ILIDŽA

Primljeno:	19.12.2013
Općina	Ilidža
Općinski načelnik	

\* SLUŽBI ZA PRIVREDU FINANSIJE I INVESTICIJE

Predmet: Zahtjev za usvjetavanje sledećih predloga kao prioriteta za budžet u 2014. godini:

- \* Savjet M. Z. Podlugović kao i građani same M. Z. traže  
- sledeće:
- 1) Rekonstrukciju puta K. Groblje - Č. Svrile.
  - 2) Asfaltiranje puta Alica Bara - R. Vratuša.
  - 3) Asfaltiranje puta R. Tula - Župča.

\* Napomena! Putovi pravac 1 i 2 bi se finansirali iz sredstava granta za izbegla i raseljena lica i učešća građana, a putni pravac 3 iz učešća građana.

- 4) Izgradnja kanalizacije u Dociću
- 5) Osvjetljavanje 1 ulice od 11 sijalica
- 6) Izrada projekta dokumentacije za rekonstrukciju Ilićinske ulice.
- 7) Kupovinu zemljišta za sportsku pluhu.
- 8) Rekonstrukcija doma M. Z. Podlugović.

U nadanju da ćete imati razumijevanja za našim najnužnijim potrebama, unaprijed se zahvaljujemo i drugarski vas pozdravljamo!

- \* Ostavljeno:  
- Službi za P. Fi. i Investicije  
- a/a



\* Predsjednik S. M. Z.  
Podlugović  
*[Signature]*





BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO – OPĆINA ILIJAŠ  
Javna ustanova Osnovna škola „Hašim Spahić“ Ilijaš, Krajiška b. B.  
Tel. 033 400 458, 033 400 996, 033 400 271, 061 257 494  
E-mail: [oskolahs@yahoo.com](mailto:oskolahs@yahoo.com)

Broj: 01-1690/13  
Ilijaš, 16. 12. 2013. godine,



Općina Ilijaš  
Služba za privredu, finansije i investicije

PREDMET: Prijedlog za izmjenu Budžeta općine Ilijaš za 2014. godinu

Mi, zaposlenici Javne ustanove Osnovna škola „Hašim Spahić“ u Ilijašu podržani od Vijeća roditelja i Vijeća učenika Škole, molimo, tražimo, zahtjevamo i predlažemo da se u Prijedlogu Budžeta općine Ilijaš za 2014. godinu, Kapitalni izdaci u dijelu 10 – „Kapitalni transferi za školstvo“, ukupna stavka poveća za **86 820,00 KM** i ta suma utroši na implementaciju i realizaciju dva Projekta u Školi i to: „Ograđivanje školskog dvorišta i igrališta“ koji košta 51 950,00 KM i „Povećanje energetske efikasnosti u školi“ vrijednosti 34 870,00 KM.

Kompletni Projekti se nalaze u prilogu.

S poštovanjem,


VD. direktora:  
  
Kustura Mirsad

**JAVNO KOMUNALNO PREDUZEĆE  
"VODOSTAN" d.o.o ILIJAŠ**

Broj:954 /13

Ilijaš,12.12.2013 godine

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA ILIJAŠ  
Služba za privredu, finansije i investicije



**PREDMET: Dostava primjedbi na Nacrt Budžeta Ilijaš za 2014 godinu**

JKP "Vodostan" d.o.o Ilijaš daje primjedbe na Nacrt Budžeta općine Ilijaš za 2014 godinu iz sljedećih razloga:

- evidentno je da Preduzeće već duži period posluje sa gubitkom koji je pruzrokovan prvenstveno iz razloga nametnute a ne ekonomske cijene vode, što automatski obavezuje osnivača ovog Preduzeća, koje je od općeg značaja za građane, da nadoknadi razliku u skladu sa članom 23. Zakona o komunalnoj djelatnosti (Sl.novine Kantona Sarajevo br:31/4)
- drugi razlog gubitka je upravljanje i odražavanje lokalnih vodovoda koji su apsolutno ekonomski neodrživi i koji iz godine u godinu prave gubitke i finansijski narušavaju poslovanje Preduzeća
- činjenica je da je do sada u Budžetu općina Ilijaš djelimično pokrivala razliku trenutne i ekonomske cijene ali je sada ta podrška potpuno izostala iz neopravdanih razloga uzevši u obzir da Preduzeće i dalje mora održavati navedene vodovode čiji prihodi nisu dovoljni ni za trokove el.energije i kontrole kvaliteta vode što je jasno prikazano Planom upravljanja lokalnim vodovodima sa prijedlogom sredstava za finansiranje iz Budžeta za 2014 godinu br:811/2013 od 12.09.2013 godine. Navedeni Plan je dostavljen na zahtjev Općine Ilijaš u propisanoj formi i detaljno obrazložen ali je isti u potpunosti zanemaren u izradi Budžeta općine Ilijaša za 2014 godinu, na šta stavljamo svoje primjedbe, obzirom da se radi o djelatnosti od javnog značaja.
- ukoliko se ove primjedbe ne uvažavaju svi ekonomski parametri ukazuju da će ovo Preduzeće za najduže tri mjeseca biti u situaciji da neće kvalitetno i kontinuirano moći vršiti djelatnost zbog kojeg je osnovano i to ne samo na lokalnim vodovodima nego i gradskom vodovodu.

Zbog svega navedenog vam se obraćamo da ponovno preispitate Plan upravljanja lokalnim vodovodima sa prijedlogom sredstava za finansiranje iz Budžeta za 2014 godinu i Plan urgentnih investicija na gradskom vodovodu sa prijedlogom za finansiranje iz Budžeta za 2014 godinu (dostavljeni u prilogu), i udovoljite našem zahtjevu kako bi ovo Preduzeće i dalje nastavilo da redovno i kvalitetno vrši vodosnabdjevanje korisnika usluga tj. naših građana.

Prilog: Kao u tekstu

S poštovanjem !

Dostavljano:

1 x Naslovu  
1 x a/a



DIREKTOR

Saudin Mešetović

OPCINA ILIJAS

MJESNA ZAJEDNICA SREDNJE

GORNJI IVANCICI

DATUM 02.12.2013 godine

*Međina  
dogovor  
16-11-13*

PREDMET ZAKLJUČAK ZBORA GRADJANA GORNJIH IVANCICA

*OK*

NA OSNOVU UKAZANE POTREBE A U CILJU POBOLJŠANJA INFRASTRUKTURNIH UVJETA ŽIVOTA NA PODRUČJU SELA GORNJIH IVANCICA I SIRE A VEZANO ZA NACRT BUDJETA ZA 2014 GODINU ODRŽAN JE ZBOR GRADANA GORNJIH IVANCICA GDJE SU DONIJETI SLJEDECI ZAKLJUČCI KOJE VAM DOSTAVLJAMO. POSTOVANI GOSPODINE NACELNICE, PRESJEDAVAJUCI OPCINSKOG VIJECA ZAMOLJAVAMO VAS PRVENSTVENO KA NACELNIKA OPCINE I PRESJEDAVAJUCEG OPCINSKOG VIJECA A VEZANO ZA VASA PREDIZBORNA OBECANJA DA NAS GRADANE GORNJIH IVANCICA UVRSTITE U BUDJET OPCINE ILIJAS ZA 2014 GODINU A VEZANO ZA SLJEDECE INFRASTRUKTURNE OBJEKTE.

1. KOMPLETNA REKOSTRUKCIJA ELEKTRO MREZE U GORNJIM IVANCIMA TJ. PAUKOVE MREZE SA KOJOM STE UPOZNATI I OD RANIJE.

2. KANALIZACIJA U GORNJIM IVANCICIMA-ISTO OBECANA.

3. REKONSTRUKCIJA VODOVODA JUNAKOVAC SA IZGRADNJOM REZERVOARA PITKE VODE VELICINE 150 M3, ZA ISTI POSJEDUJEMO UREDNO URAĐJENU PROJEKTNU DOKUMENTACIJU. DIO SREŠTAVA OBEZBJEDJUJU STANOVNICI-KORISNICI VODOVODA.

NADAJUCI SE VASEM POZITIVNOM RESENJU NASIH ZAHTEJEVA UNAPRIJED SE ZAHVALJUJEMO, A ISKRENO SE NADAMO DA NEĆEMO BITI GRADJANI DRUGOG REDA KAKVI SMO BILI PROTEKLIH 10 GODINA U KOM PERIJODU NISMO BILI UVRSTENI NI U JEDAN PROJEKAT.

DOSTAVLJENO

1. NACELNIK OPCINE

2. PRESJEDAVAJUCI OPCINSKOG VIJECA

ZBOR GRADJANA GORNJIH IVANCICA  
*Lođur*

**Strucna sluzba OV i Opcinskog nacelnika**

From: "Edis Osmanovic" <edisfpn@yahoo.com>  
 To: <ov@ilijas.ba>  
 Sent: 09. prosinac 2013 10:16  
 Poštovani,

Mi, mještani dijela Kadarića (središnjeg dijela) već duže vrijeme pokušavamo da dobijemo informaciju o razlozima zbog kojih ovaj dio naselja nikada nije dobio kanalizaciju niti uličnu rasvjetu, na ulazu u naselje je urađena rasvjeta, centralni dio je preskočen, pa je krajnji dio dobio i rasvjetu i kanalizaciju, a ovaj dio opet ništa.

Prethodni načelnik Nusret Mašić je obećavao da će to biti riješeno po hitnom postupku (obećao na predizbornom skupu u Kadarićima da će drugi dan odmah poslati stručnjake da se vidi kako da se to realizira), međutim nikad ništa. Govoreno je da će biti odvojena sredstva u budžetu za 2013.god. međutim nisu, evo gledam budžet za 2014.god. opet nema ništa namjenjeno za ovaj problem.

Neznam da li je ikad iko iz opštine prošao kroz ovaj dio Kadarića, smrad je nesnosan, a o zarazi da ne govorim, jer sve fekalije su sprovedene u odvodni kanal autoputa, koji je otvoren i to sve teče kao rijeka do propusta kroz koje mještani prolaze i prisiljeni su da po tom hodaju.

Ja Vas molim kao mještatinin da pokušate u ovom budžetu za 2014.god.odvojiti sredstva i za ovu namjenu jer ovo je stvarno katastrofa, a biće kasno kad se pojave i zdravstveni problemi.

Unaprijed zahvalan,

04

ESET Endpoint Antivirus informacija, verzija baze podataka virusnih potpisa 9152 (20131209)

poruka je provjerena programom ESET Endpoint Antivirus.

<http://www.eset.com/hr>



## OPCINA ILIJAS

---

From: Biba Zukic [biba.zukic@pravosudje.ba]  
Sent: 19. prosinca 2013 13:31  
To: nedzad.masnopita@ilijas.ba

Postovani, u ime stanovnika naselja Crna Rijeka, zaseok Odzak, u nastavku vam dostavljam slijedece:

Zuki Ramiza  
Kamenica bb,  
Ilija, Sarajevo  
Broj telefona:033/480-047

BOSNA I HERCEGOVINA  
Federacija BiH  
Kanton Sarajevo  
Općina Ilija  
126 ilijačke brigade 6  
71380, Ilija  
N/R Načelnik Općine G-din Akif Fazli ili  
Službu za privredu, finansije i investicije

Predmet: Zahtjev za rekonstrukciju puta u naselju Odzak (Kamenica)

Poštovani,

U skladu sa procedurom dostavljanja primjedbi i prijedloga na ponuđeni dokument nacrtu Budžeta Općine Ilija za 2014.godinu, molimo vas, u svoje ime i ime stanovnika naselja, da u okviru pomenutog Budžeta planirate i izvršite realizaciju ulaganja u rekonstrukciju, tj. asfaltiranje puta u selu Kamenica (Crna Rijeka), zaseok Odzak u dužini od cca 1 km. Navedeni put je teško oštećen i onemogućava normalnu komunikaciju stanovništva već duži period te stoga smatramo urgentnim da se izvrši navedeno ulaganje. Napominjem da je asfaltiranje dijela puta (u dužini cca 500 metara) vršeno u prethodnom periodu ali da preostali dio puta nije asfaltiran i potpuno je neuslovan za komunikaciju.

S poštovanjem,

Ilija, 19.12.2013.godine Podnosilac:

Zuki Ramiza

### III STAV PREDLAGAČA

Nadležna općinska služba je održala javnu prezentaciju Budžeta općine Ilijaš i Odluke o izvršavanju Budžeta, a ista je trebala da posluži kao dobar uvod za javne rasprave po MZ, udruženjima građana, političkim strankama, javnim preduzećima i ustanovama i drugim budžetskim korisnicima. Ovim putem ponovo ističemo da nismo zadovoljni prisustvom i odzivom na javnu prezentaciju i javnu raspravu.

Sagledavajući sve predloženo u javnoj raspravi možemo konstatovati sljedeće :

- Jedan dio prijedloga je već bio obuhvaćen kroz Nacrt Budžeta ;
- Značajan broj prijedloga premašuje mogućnosti finansiranja kroz budžet općine ;
- Jedan broj prijedloga nije u nadležnosti jedinica lokalne samouprave te nisu mogli biti uvaženi ;
- Jedan broj prijedloga traži duži vremenski period finansiranja te su kao i takvi tretirani;
- jedan broj prijedloga je direktno prihvaćen i uvršten u ovaj prijedlog Budžeta a na osnovu sljedećih kriterija :
  - o realnosti prijedloga sa aspekta visine potrebnih sredstava i potrebnog vremena implementacije ;
  - o usklađenosti sa Dokumentom okvirnog budžeta ;
  - o korespondiranja sa Strategijom razvoja općine ;
- Jedan broj prijedloga nažalost nije bilo moguće uzeti u razmatranje :
  - o povećanja vlastitih prihoda, što bi dovelo do nerealnog planiranja ;
  - o ranije preuzetih obaveza po potpisanim sporazumima,

Vezano za dostavljene pismene prijedloge i primjedbe na ponuđene Nacrte dokumenata dajemo sljedeća pojašnjenja :

#### Prijedlog OO LDS Ilijaš

- da se u Budžet općine Ilijaš za 2014. g. uvrsti projekat Ograđivanja školskog dvorišta i igrališta u iznosu od 51.950 KM

NIJE UVAŽEN (podržavamo ponuđeni projekat no zbog nedostatka sredstava isti nije moguće realizirati z 2014.g.,odnosno isti će biti uvršten u Budžet općine za 2015. godinu)

#### Prijedlozi OO SBB Ilijaš

- Izdaci za volonterski rad umjesto 49.000 KM planirati 74.000 KM  
DJELOMIČNO UVAŽENA (podržavamo nastojanje da što više mladih obrazovanih kadrova odrade volonterski staž i steknu uslove za polaganje stručnog ispita, ali zbog nedostatka sredstava po općem fondu trenutno je moguće samo djelomično uvažiti navedeni prijedlog)
- Prijedlog za umanjenje odnosno povećanje kod boračkih udruženja odnosno prestrukturiranje sredstava sa redovnog rada na aplikacije  
NIJE UVAŽEN
- Prijedlog na smanjenju na poziciji humanitarne i ostale organizacije  
NIJE UVAŽEN (općina Ilijaš je preuzela obavezu opremanja prostorija u okviru obdaništa za stvaranje boljih uslova za rad udruženja za djecu sa specijalnim potrebama u iznosu od 8.000 KM)
- Prijedlog za povećanje na poziciji za vjerske objekte odnosno sufinansirati završetak džamije u Podlugovima  
DJELOMIČNO UVAŽEN

- Prijedlog da se uvrsti izgradnja pumpne stanice u Malešićima – Berovići  
UVAŽEN
  - Prijedlog da se uvrsti izgradnja fekalne kanalizacije u naselju DOCI  
UVAŽEN
  - Prijedlog da se smanje sredstva za zimsko održavanje  
NIJE UVAŽEN (Kantonalna direkcija je općini Ilijaš prebacila na održavanje dodatnih 30 km lokalnih puteva)
  - Prijedlog da se poveća pozicija sanacija i obnova kuća i fasada  
DJELOMIČNO UVAŽEN
  - Prijedlog da se smanji pozicija za stvaranje materijalno tehničkih uslova rada za školu u S. Ilijašu  
NIJE UVAŽEN (Potpisan sporazum između općine Ilijaš i Ministarstva obrazovanja KS)
  - Prijedlog da se smanje sredstva za sanaciju podnih obloga u fiskulturnoj Sali u Srednjem  
NIJE UVAŽEN (Potpisan sporazum između općine Ilijaš i Ministarstva obrazovanja KS)
  - Prijedlog da se smanje sredstva za projekat energetske efikasnosti za OŠ Podlugovi  
NIJE UVAŽEN (Potpisan sporazum između općine Ilijaš i Ministarstva obrazovanja KS)
  - Prijedlog za uvrštavanje OŠ Hašim Spahić u projekat energetske efikasnosti  
NIJE UVAŽEN (potrebno pripremiti projektnu dokumentaciju, aplicirati za sredstva iz projekta energetske efikasnosti kod FBiH te uvrstiti u Budžet za 2015. godinu) ;
  - Prijedlog da se uvrste sredstva za dovršetak objekta svlačionice NK Ljubnići  
NIJE UVAŽEN
  - Prijedlog da se uvrste sredstva za ograđivanje mezarja PODA i parcelaciju na istu (bit će predmet Operativnog plana Općinskog načelnika)
  - Prijedlog da se povećaju sredstva za izgradnju javne rasvjete  
UVAŽEN
  - Prijedlog za uvrštavanje rekonstrukcije puta Kapela – Sovrle  
UVAŽEN  
Prijedlog za uvrštavanje puta Mrakovo (1000 m')  
VEĆ UVRŠTENNO
  - Prijedlog za uvrštavanje puta Garaže – Korita  
UVAŽEN (bit će predmet Operativnog plana Općinskog načelnika kroz investiciono održavanje)
  - Prijedlog za rekonstrukciju puta Polomska  
NIJE UVAŽEN (potrebno uraditi projektnu dokumentaciju i riješiti imovinsko pravne odnose)
  - Prijedlog da se uvrsti projekat izgradnje pješačke staze na regionalnom putu Stari Ilijaš – Malešići  
NIJE UVAŽEN (nadležnost Kantonalne direkcije)
  - Prijedlog za Rekonstrukciju mjesnog ureda Lješevo  
NIJE UVAŽEN (obzirom da MZ Lješevo koristi prostorije Željeznica FBiH, kroz RP Lješevo je potrebno obezbjediti zemljište za izgradnju navedenog objekta)
  - Prijedlog za nabavku zemljišta za Sportsku plohu Podlugovi  
UVAŽEN
- Prijedlog OO SDP Ilijaš
- Prijedlog za povećanje naknade po osnovu prirodnih resursa

NIJE UVAŽEN

- Prijedlog za povećanje naknade za korištenje državnih šuma  
UVAŽEN
- Prijedlog za umanjene sredstava za rad Parlamentarnih grupa  
NIJE UVAŽEN

Prijedlog Stranke za Srednje

- Prijedlog za nabavku sanitetskog vozila za potrebe ambulante Srednje  
NIJE UVAŽEN (Podržavamo prijedlog, ali uvažavajući činjenicu da nabavka vozila podrazumjeva značajna sredstva koja je nemoguće obezbijediti u Budžetu općine Ilijaš, te pokušati iznaći druge modalitete za realizaciju ovog projekta)

Prijedlog MZ Podlugovi

- Prijedlog za uvrštavanje rekonstrukcije puta Katoličko groblje – Sovrle  
UVAŽAVA SE
- Prijedlog za rekonstrukciju puta Alića Bara – Vratuša  
NEUVAŽAVA SE (podržavamo projekat i predlažemo sufinansiranje kroz učešće građana)
- Prijedlog za asfaltiranje puta INA – Župča  
NEUVAŽAVA SE
- Prijedlog za uvrštavanje kanalizacije DOCA  
UVAŽAVA SE
- Prijedlog za osvjtljenje jedne ulice sa 11 svjetiljki  
NEUVAŽAVA SE
- Prijedlog za izradu projektne dokumentacije za rekonstrukciju Polomske ulice  
UVAŽAVA SE
- Prijedlog za planiranje sredstava za kupovinu zemljišta za sportsku plohu  
UVAŽAVA SE
- Prijedlog za uvrštavanje rekonstrukcije doma Podlugovi  
NEUVAŽAVA SE (potrebno riješiti dugoročni status istog)

Prijedlog OŠ Hašim Spahić Ilijaš

- Prijedlog za uvrštavanje u Budžet projekta Ograđivanje školskog dvorišta  
NEUVAŽAVA SE (planirati sredstva u Budžetu za 2015. godinu)
- Prijedlog za uvrštavanje u Budžet projekta povećanja energetske efikasnosti za OŠ Hašim Spahić Ilijaš  
NEUVAŽAVA SE (aplicirati kod Fonda za zaštitu okoliša FBiH te sufinansirati kroz Budžet općine u 2015.g.)

Prijedlog JKP Vodostan

- Prijedlog za uvrštavanje sufinansiranja snadbijevanja vode iz lokalnih vodovoda  
DJELOMIČNO UVAŽEN

Prijedlog MZ Srednje – Gornji Ivančići

- Prijedlog za uvrštavanje rekonstrukcije elektro mreže  
NEUVAŽAVA SE (aplicirano prema Elektrodistribuciji)
- Prijedlog za izgradnju fekalne kanalizacije  
NEUVAŽAVA SE (potrebo uraditi projektnu dokumentaciju)
- Prijedlog za rekonstrukciju vodovoda Junakovac  
UVAŽAVA SE

Prijedlog mještana naselja Kadarići

- Prijedlog za uvrštavanje Kanalizacije u Kadarićima  
UVAŽAVA SE

Prijedlog Građana Odžaka MZ Kamenica

VEĆ UVRŠTEN (U nacrtu Budžeta u okviru člana 4. Vidljivo je da je put Odžak uvršten u Budžet za 2014. za rekonstrukciju)

Na bazi provedene javne rasprave kao i na bazi ponovne analize Budžetskih pozicija od strane Kolegija Općinskog načelnika i Službe za privredu, finansije i investicije predlagač je utvrdio prijedlog budžeta općine Ilijaš za 2014. godinu u iznosu od 9.645.300 KM. U odnosu na nacrt Budžeta prijedlog je povećan za 825.500 KM.

Na prihodovnoj strani prijedloga budžeta u odnosu na nacrt izvršene su sljedeće izmjene :

1. Prihod od iznajmljivanja poslovnih prostora smanjeni za 10.000,00 KM
2. Takse za vjenčanja i druge civilne registracije smanjene za 5.000,00 KM
3. Naknada za uređenje građevinskog zemljišta i renta povećana za 52.000,00 KM
4. Naknada za korištenje državnih šuma povećana za 80.000,00 KM
5. Prihod od pružanja usluga kafe kuhinje smanjeni za 3.000,00 KM
6. Primljeni grantovi od Federacije povećani za 100.000,00 KM
7. Primljeni grantovi od Kantona posebne namjene povećani za 611.500,00

Na rashodovnoj strani budžeta u okviru administrativnog dijela budžeta predložene su sljedeće izmjene :

1. Putni troškovi u inostranstvu smanjeni za 3.000,00 KM
2. Izdaci za vodu i kanalizaciju povećani za 400,00 KM
3. Izdaci za obrasce i papir smanjeni za 3.000,00 KM
4. Ostali materijal posebne namjene smanjen za 2.000,00 KM
5. Prijevozne usluge povećane za 1.000,00 KM
6. Izdaci za volonterski rad povećan za 6.000,00 KM

U okviru tekućih transfera predložene su sljedeće izmjene :

1. Transfer za JU KSC i Radio Ilijaš smanjen za 10.000,00 KM
2. Transfer za Pravobranilaštvo Kantona Sarajevo smanjen za 6.000,00 KM
3. Novčana pomoć invalidnim licima – paraplegičari smanjena za 2.400,00 KM
4. Zdrastvena zaštita lica u stanju socijalne potrebe povećana za 5.000,00 KM
5. Tekući transfer za osnovne i srednje škole smanjen za 3.000,00 KM
6. Ratna udruženja – aplikacije programa smanjen za 3.000,00 KM
7. Rezerva – ratna udruženja povećana za 3.000,00 KM
8. Izrada monografije šehida i poginulih boraca povećana za 10.000,00 KM
9. Subvencije – poslovne ideje i start up biznis smanjen za 5.000,00 KM
10. Subvencije – sufinansiranje razvojnih projekata smanjen za 5.000,00 KM
11. Tekući transfer za kulturu povećan za 3.000,00 KM
12. JKP Vodostan Ilijaš – snadbjevanje pitkom vodom iz lokalnih vodovoda uvedena pozicija u iznosu od 40.800

Na poziciji kapitalnih grantova i kapitalnih izdataka predložene su izmjene u odnosu na nacrt po sljedećoj strukturi :

1. Lokalni vodovodi povećani za 59.000,00 KM
2. Sanacija i obnova kuća, zgrada i fasada povećana za 10.000,00 KM
3. Škole – objekti i oprema povećani za 5.000,00 KM
4. Objekti sporta, kulture i informisanja povećani za 15.000,00 KM
5. Vjerski objekti povećani za 15.000,00 KM
6. Objekti kulturno historijskog nasljeđa i mezarja povećani za 6.000,00 KM
7. Kapitalni transfer JKP Vodostan Ilijaš smanjeni za 5.000,00 KM
8. Nabavka zemljišta povećana za 20.000,00 KM
9. Rekonstrukcija i izgradnja javne rasvjete povećana za 10.000,00 KM
10. Rekonstrukcije puteva smanjene za 20.000,00 KM
11. Investiciono održavanje puteva povećana za 20.000,00 KM

Budžetska rezerva smanjena za 1.200,00 KM

Na rashodovnoj strani uvedena analitička pozicija Pokriće rashoda iz prethodne godine u iznosu od 666.500,00 KM

Ovako utvrđen prijedlog budžeta je uravnotežen, i u potpunosti korespondira sa pozitivnim zakonskim propisima koji tretiraju pripadnost javnih prihoda Općine Ilijaš, te je kao takav veoma realan. Također, cijenimo da ovakav prijedlog odražava ključne smjernice i zacrtane ciljeve Općinskog načelnika u okviru svog programskog djelovanju u 2013. godini.

----- o -----

Na kraju želimo Vas podsjetiti da primjedbe i dopune prijedloga Budžeta i Odluke o izvršavanju Budžeta vršite amandmanski, te Vas ovom prilikom molimo da svoje eventualne amandmane podnesete u rokovima datim u Poslovniku Općinskog vijeća (član 131. Stav 2.) , kako bi se predlagač blagovremeno mogao očitovati o istim .

**Služba za privredu i finansije**